

लहना

व्यवसायिक पत्रकारिता, थौया आवश्यकता

साःगु भिंगु मरिचरिया निति
लुमंका दिसँ ।

लक्ष्मण गजमाल 'चिलमि'
प्रोप्राइटर
लाखा छँ
LAKHA CHHEN

सोद्वखुटे, वडा नं. १६, येँ, फोन नं.: ८३६०७५८

थुकि दुने



भ्रष्टाचार विरुद्ध जनता कुहां वय्माः
डि.आर. खड्गी - २



सकिमिला पुनिह
जितेन्द्र बिलास
बज्राचार्य - ३



क्रिकेटया
न्हूह कप्तान
जानेन्द्र मल्ल
प्रजित
शाक्य - ६



ताम्रकार समाजया ग्वसालय न्हूदँ नेपाल सम्बत्
११४०या लसताय भिन्तुना कालबविल ज्याइवः
५ पेज

उद्योगपति रुपज्योति ठगी मुद्दाय ज्वन

छु खः थुकी ल्यूनेया बाखं

लहना संवाददाता

वंगु बिहिवाः सिंगापुर देशय लिहांभाःम्ह उद्योगपति रुपज्योति कंसाकार व वय्कःया म्हायय सुरुचियात प्रहरी त्रिभुवन अन्तर्राष्ट्रिय विमानस्थलं हे ज्वनार्यकल । नेपाःया तःधंम्ह उद्योगपति रुपज्योतियात १० करोड २७ लाख ठगी याःगु द्वर्पलसें प्रहरी ज्वंगु खः । बिहिवाः २१ गते ज्वनाःलि २२ गते अदालतय पेश याय्धुकाः अनुसन्धानया नितिं स्वनु थुनाय तयत म्याद बिलसा हाकनं २४ गते आइतवाः अदालतं न्यान्हुया म्याद थप याःगु दु ।

छाय ज्वन रुपज्योतियात ?

बाँसवारीइ च्वंगु शहीद गंगालाल अस्पतालपाखें निसः मिटर तापाक्क खुपी ११गु आना जग्गा ल्याण्डमार्क्स डेभलपर्स प्रा.लि.या नामय दु । थुगु ल्याण्डमार्क डेभलपर्स प्रा.लि.या शेयर ज्योति ग्रुपया स्वंगू कम्पनीया नामय दु, - स्याकार एन्ड कम्पनी, जय स्पिनिङ मिल व ज्योति एन्ड कम्पनी । थुगु जग्गायात ज्योति पुचलं २०७१ सालय हाउजिङ परियोजनाया रुपय विकास याय्गु योजना दय्कल । उकिया नितिं सिई कन्स्ट्रक्सनयात वर्किङ पार्टनर दय्कल । अन दुगु १२गु प्लटमध्ये १ निसं ७ ल्याःया प्लट रुपज्योति थःगु हे नितिं काल । ल्यं दुगु न्यागू प्लटया नितिं मेपिन्के बैना नं काल । व मध्येया छगू प्लट बालुवाटारयाम्हा विज्ञेन्द्रकृष्ण मल्लं २०७१ जेठ २ गते १०गु लखतका बियाः बुक यात । लिपा २०७१ भदौतक मुक्कं



धेबा काःगु कम्पनी सिई
कन्स्ट्रक्सन, गुकी रुपज्योतिया छुं
हे कथंया गनं हे संलग्नता मदु । धेबा
काःगु कम्पनीया मनूत धाःसा खुल्ला
त्वःताः थःत ज्वनेगुया अर्थ छु खः
धकाः रुपज्योति न्ह्यसः तयादी

छगू करोड २६गु लखतका नं बिल । तर थुकिया दथुइ धाःसा रुपज्योति मेपिन्के धेबा काय्मते, ल्यं दुगु प्लट नं जिं हे काय् धकाः सिईयात धाय्धुक्गु जुयाच्चन । धाय्क धाय् कं नं सिई कन्स्ट्रक्सन विज्ञेन्द्रकृष्णलसेंयाके धेबा कयाबिल ।

वयां लिपा न्यागूमध्ये निगू प्लट बुक याःपिन्त पानीपोखरीया हाउजिङ

परियोजनाय यंकल । ल्यं दुपिं निम्हेसिनं क्षतिपूर्तिसें धेबालित यंकल । तर मल्लया हिसाब धाःसा क्वमचाःनि । मल्लया दाजु रुप ज्योतिया पासा जूगुलिं माःगु धेबालित बियाः खँ सहलहपाखें हे सिधय्का छ्वय्गु कुतः ला जुल । तर स्थिति मेगु हे रुप काल । वार्दविवाद तच्चया वँव मल्लं १६ गते रुपज्योति विरुद्ध महानगरीय प्रहरी परिसरय ठगी याःगु धकाः निवेदन तयाबिल । रुपज्योतियात ज्वनेत पक्राउ पूर्जी जारी जुल । पक्राउ पूर्जीविरुद्ध रुपज्योति मंसीर २४ गते सर्वोच्च अदालत वन । सर्वोच्च पक्राउ पूर्जीइ स्टे अर्डर बिल । कार्तिक १८ गते अन्तिम सुनुवाईया इलय सर्वोच्च अदालत थःगु स्टे अर्डर खारेज यात । थुगु इलय रुपज्योति सिंगापुर वनाच्वंगु खः ।

ल्यं ७ पेजय

डा. रुपज्योतियात
त्वःतेत माग यासं
माईतीघरय धर्ना



नाजाःम्ह उद्योगी, व्यवसायी डा. रुपज्योति कंसाकारयात ठगी मुद्दाय ज्वंगुया विरोध थीथी थासं जुयाच्वंगु दु । नेपाल उद्योग वाणिज्य महासंघ, उदाय समाजलिसें थीथी संस्था विज्ञप्ति जारी यानाः रुपज्योति ज्वंगुयात भत्सर्ना याःगु दुसा थुकियात नियोजित षडयन्त्र हे खःगु धासं रुपज्योतिया समर्थनय सामाजिक संजालय नं पोष्टत अपडेट जुयाच्वंगु दु ।

थुकिया दथुइ, रुपज्योति कंसाकारयात त्वःतेगु माग यासं उदाय समाजया ग्वसालय येँया माईतीघर मण्डलाय धर्ना ज्याइवः आइतवाः जूगु दु । येँलिसें स्वनिगःया थीथी थासय च्वर्पि उदाय समुदाययापिलिसें थीथी खलःपुचःयापि असनय मुनाः नाराबाजी यासं माईतीघर वंगु खः । थुगु विरोध प्रदर्शनय रुपज्योतियात थथें त्वःतेत माग याःगु खः । धर्नाय थ्यपि प्रदर्शनकारीतयसं 'व्यक्तिगत रिसइवी छ्यले दइमखु, पूर्वाग्रह तयाः थुनाय तय दइमखु, सुया दबाबय

ल्यं ७ पेजय

स्वनिगःया निम्ह व पिनेयापिं स्वम्ह पत्रकारपिन्त सिरपाः



मोहन दुवाल



रतन श्रेष्ठ



हिमेशरतन बज्राचार्य



याम प्रधान



अमृतलाल श्रेष्ठ

येँ । नेवाः पत्रकारतयगु राष्ट्रिय संगठन नेवाः पत्रकार राष्ट्रिय दबूया स्वक्वःगु तःमुँज्याया इवलय थीथी संचार माध्यमय ज्या यानादीपि पत्रकारिता ख्यलय ज्वः मदुगु योगदान यानादीपि स्वनिगः दुनेयापि निम्ह व स्वनिगलं पिनेयापिं स्वम्ह यानाः मुक्कं न्याम्ह नेवाः पत्रकारपिन्त सिरपाः लःल्हाइगु जगु दु ।

नेवाः पत्रकार राष्ट्रिय दबूया कात्तिक ३० गते येँय तःजिक स्वक्वःगु तःमुँज्या याय्गु अन्तिम तयारी यानाच्वंगु दुसा उगु हे ज्याइवलय अथे सिरपाः लःल्हाइगु जगु दु । सिरपाः इनेगु नितिं नं माःकथंया तयारी याय्धुक्गु दु । नेवाः पत्रकारपिन्त हःपाः व तिबः बीकथं नेवाः पत्रकार राष्ट्रिय दबूपाखें दैय्दसं थीथी सिरपाः लःल्हाना वयाच्वंगु

खः । थुगुसी सिरपाः त्याकादीपि नेवाः पत्रकारपिं छसिकथं थुकथं दु, १) भ्वँतया वरिष्ठ पत्रकार तथा साहित्यकार मोहन दुवालयात वाडमय शताब्दी पुरुष सत्यमोहन जोशी पत्रकारिता सिरपाः ११४० हनापौ व भिद्वः तका दां ।

२) राष्ट्रिय समाचार समितिया मध्यपुर थिमिइ च्वनादीम्ह फोटो पत्रकार रतन श्रेष्ठयात बाबुराजा ज्यापु फोटो पत्रकारिता सिरपाः व भिद्वः तका दां ।

३) येँया कान्तिपुर राष्ट्रिय दैनिक पत्रिकाय दुथ्याःम्ह पत्रकार हिमेशरतन बज्राचार्ययात भिक्षु कुमार काश्यप लुमान्ति पत्रकारिता सिरपाः व भिद्वः व सच्चि तका दां ।

ल्यं ७ पेजय

Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur
☎ 4335491, ✉ b_arts4335491@hotmail.com

- ★ Banner, Flex Board
- ★ Glow Sign Board
- ★ Sticker Cutting / Printing
- ★ Screen / Rubber Print
- ★ Self-ink / Rubber Stamp
- ★ PVC (ID) / Visiting Card
- & all kinds of press works

Trendiest Fashion
At Price You Love

ufo the clothing store

सम्पादकीय



सरकारया अग्निपरीक्षा

थौकन्हय् राष्ट्रियता व सार्वभौमसत्तायात कया: न्ह्यस: दनाच्वंगु दु। नेपा:या सुदूरपश्चिमय् ला:गु भूभाग कालापानी क्षेत्रया कालापानी, लिपुलेक व लिम्पियाधुरायात भारत नकतिनि पिथंगु राजनीतिक नक्साय् दुथ्याकूगु विषययात कया: छचाखेरं विरोध जुयाच्वंगु दु। स्वत:स्फूर्तकथं जनतातसें न्हापां विरोध या:गु ख:सा व लिपा नेपा:या थीथी पार्टीपाखें थुनियात कया: विरोध वक्तव्यया नापनापं प्रदर्शन नं जुयाच्वंगु दुसा थौकन्हय् न्हियान्हिथं धइथें भारतीय राजदूतावासया न्ह्य:ने अथे हे थीथी थासय् प्रदर्शन निरन्तर जुयाच्वंगु दु। थुगु विषययात कया: आ: वया: नेपा:या फुक्क पार्टीतसें छगू हे स: थ्वय्का: कालापानी क्षेत्र नेपा:या भूमि जग्गु धा:गु दु। थुनियात कया: विरोध वक्तव्य जक जारी मयासें कुटीनीतिक संवादपाखें याकनं ज्यकेमा:गु खँय् छगू हे मत जग्गु दु। थ्व राष्ट्रियता सवालय् जग्गु छगू त:धंगु उपलब्धि ख: धा:सां पाइमखु।

अभ्र नं धाय्गु ख:सा थुगु खँयात कया: मधेसवादी दलतसें ह्नुं हे न्ववानाच्वंगु मदु। थ्व छगू तसकं हे दुर्भाग्यपूर्ण खँ जुल। भारत या:गु न्ह्याग्गु खँय् नं मधेसवादी दलतय्गु समर्थन दइगु ख:सा थुनियात कया: जनतां नं बिचा: याय्मा:गु दु। छु कालापानी क्षेत्र पहाडी लागा जुइवं व मधेसया जनतातय्गु नं मखुत ला ? बहुजातीय, बहुधार्मिक, बहुसांस्कृतिककथं जुयाच्वंगु नेपा:या न्ह्याग्गु हे क्षेत्रय् व तराई जुइमा वा पहाडय् जुइमा वा हिमालय, फुक्क जनतातय्गु उलि हे सरोकारया विषय जुइमा:गु ख: ला कि मखु ? धइगु न्ह्यस: ब्वलंगु दु।

प्रधानमन्त्री केपी शर्मा ओली वंगु सञ्चरवा: स:तादीगु सर्वदलीय सर्वपक्षीय मुँज्यां तकं लिम्पियाधुराया कुटियायाइदी खुसि तक नेपा:या भूभाग जग्गु निष्कर्ष पिकासें भारतलिसे उच्चस्तरय् राजनीतिक व कूटनीतिक सम्बाद याय्त सरकारयात सुभाब ब्यूगु दुसा नेपाल अनौपचारिक खल्लाबल्लास थ:गु अडान नं तय्धुंकूगु दु। अथे हे, भारतय् च्वंगु नेपा:या राजदूत नीलाम्बर आचार्य भारतया विदेश सचिवयात नापलाना: थुगु खँय् च्यूता: प्वकेधुंकूगु दु। आ: वया: भारत वार्तापाखें नेपा:या च्यूता: सम्बोधन याय्त सकारात्मक जग्गु सीदुगु दु।

थुगु खँय् नेतातय्गु अडान गुलितक क्वातु धइगु खँ भारतलिसे जुइगु कूटनीतिक सम्बादपाखें सीदइ। छाये धा:सा सरकारं भारत पिथंगु नक्सयात कया: विरोध बक्तव्य जारी या:गु इलय् हे जनता हा:गुलिं जक जिमिगु ध्यानाकर्षण जग्गु धइगु आशय न्ह्यथनात:गु ख:सा उगु बक्तव्य ल्हा:चिं तयादीन्हेसिगु नांतकं न्ह्यथनात:गु मदु। खय्त ला बक्तव्य नेपाल सरकारं जारी या:गुलिं नां आवश्यक मजू धइगु खँ दुसा नं वक्तव्य जारी या:न्हेसिगु नां तक न्ह्यथने ग्या:गु ख:ला धइगु उगु इलय् आशंका ब्वलंगु ख:।

नेपा:या भूभागयात भारत क्वत्य:गु इलय् नेपालं खास हे च्यूता: तया मच्चंगु यक्व हे दसू दु। करबरं छगू विज्ञप्ति जक जारी याना: उकिया कार्यान्वयन याय् पक्षय् धा:सा सून्य हे जुयाच्वंगु दु। थुनिया दसूकथं सुस्तायात काय्फु। अनया जनता यक्व हे हालाच्चंसां नं सरकारं थुनिया दिगो समाधानया निती गबलें पहल या:गु मदुनि। अथे हे, कालापानीया लागायात कया: तत्कालीन नेकपा एमालेया विद्यार्थी संगठनपाखें विरोध याय्गु इवल्य कालापानीइ नेपा:या ध्वन्य तय्गु अभियान न्ह्याकूगु इलय् नं अनया भारतीय सेनातसें उगु लागाय् मख्व:गु जक मखु, उगु इलय् मूठभेद जूसा उकिया जिम्मेवार स्वयम् विद्यार्थीतसें काय्मालीगु भारत पक्षं जारी या:बलय् नेपा: लिच्यूगु ख:। उगु इलय् हे नेपा: सरकार व नेतातसें कालापानी नेपा:या लागा व अनं भारतीय सेनात चिलावनेमा:गु अडान त:गु ख:सा सायद उगु इलय् हे समाधान जुइगु ख:ला ? अथे हे, टनकपुरया बाँधया खँय् नं नेपा:यात बाँधलाक छवावा:गु जुल। थुनियात कया: आ:तक नं नेपाल स: ल्हवनेफूगु मदुनि। आ: वया: नेपा:या नेतात छगू हे थासय् दंगु इलय् निश्चित रुपं थुनिया समस्या पाय्छिकथं जुइ धइगु आशा या:गु दु। थ्व नेपा:या नेतातय्गु निती छगू अग्नि परीक्षा नं ख: धा:सां पाइमखु।

त्वमिपिन्त इनाप

लहना वा:पतिइ लेख, रचना, रिपोर्ट व समाचार छ्वयादीफइ। छिकपिंसं छ्वयादीगुयात थुगु वा:पतिइ थाय् बियाच्चना। पिदंगु च्वसुयात उचित पारिश्रमिक बीगु नं सुचं बियाच्चना।

लहना वा:पौ

भोर्छे, यें

lahana.news@gmail.com

भ्रष्टाचार विरुद्ध जनता कुहां वय्मा:

पूर्वक प्रजातन्त्र दुगु देस भारतय् ला भ्रष्टाचार म्हो मजू धा:सा भीगु देस नामधारी प्रजातन्त्रया नामं जाति व धर्मया नामं राजनीतिया खेल म्हिताच्चपिं नेतातसें भ्रष्टाचारीतय्त हतोत्साही याय्गु स्वइ धका: कल्पना नं याय्मा:।



डि.आर. राइजी

विश्वया यक्व हे देशय् अति भ्रष्टाचार अप्वया: आर्थिक अवस्था ध्वस्त जुया: देस व जनता कंगाल जुयावंगु आपालं दु। विशेष याना: एशिया, अफ्रिका व ल्याटिन अमेरिका देसया असक्षम, विवेकहीनया नापनापं दलाली नेतातसें देस न्ह्याकाच्चंगुलिं देस स्थना वनाच्चंगु ख:। अविकसित देसया नेतातय्के सिद्धान्त, नीति व दृष्टिकोण (भिजन) ज्वना: सत्ताय् वनाच्चपिं मखु, खालि धेबाया शक्ति, दादागिरी क्यना: सत्ताय् वनेगु यानाच्चनी। थ्व हे हुनिं याना: अविकसित देसया नेतात व नोकरसाह (कर्मचारीतन्त्र) भ्रष्ट व कमिशनखोर



जुयाच्चनीगुलिं याना: देस व जनता गरीब जुजुं वनाच्चनीगु ख:। भ्रष्टाचार ला पुँजीवदी देय् अमेरिका व पश्चिमी राष्ट्रय् मजूगु मखु, तर अति कम जुयाच्चंगु खनेदु। छाये धा:सा व देसय् कानून शक्तिशाली जुयाच्चंगुलिं शक्तिशाली नेतातय्त नं कानूनया दायराय् हया: कारवाही यानाच्चनी। अमेरिका व पश्चिमी देसय् भ्रष्टाचार म्हो जुयाच्चनीगु छगु कारण थ्व नं ख:। व देसय् चरम विकास जुयाच्चंगुलिं याना: जनताया अत्याधिक लजगा: बीत ता:लानाच्चंगुलिं चुनावया इलय् पार्टीतसें भोटया निती यक्व धेबा खर्च याय्मा:गु नं आवश्यकता मदु। मेगु कारण ख:, पश्चिमी राष्ट्रया सामाजिक संरचना संयुक्त परिवारया बनावट नं ख:।

एशियाया अप्व: देसय् संयुक्त परिवारया बनावट जुयाच्चंगुलिं नेतातसें थ: परिवार व नातागोताया निती गुलिफु उलि भ्रष्टाचार याना: धेबा मुंकेगु स्वयाच्चनी। अविकसित देसया जनतां अप्व: गरीबीया कारणं नं पार्टीया नीति हे चुनावया इलय् धेबा खर्च याना: भोट काय्गु नीति हे जुयाच्चनी। थ्व हे कारणं याना: नेतातसें थ:त जक मखु, पार्टीयात नं अथाहा धेबा मा:गुलिं देस घातक ज्या याना:सां धेबा मुंकेगु यानाच्चनी।

भीगु ज:लाख:ला देय् चीनय् स्वयां नं भारतय् अप्व: भ्रष्टाचार जुयाच्चंगु खनेदु। चीनय् नं भ्रष्टाचार मजूगु मखु, तर कानून तसकं कडा अर्थात १०गू लख स्वयां अप्व: भ्रष्टाचार जुल धा:सा भ्रष्टाचारीयात मृत्युदण्ड तकं बीगु कानून दु। थ्व हे कारणं

चीनय् भ्रष्टाचार याय्त तसकं ग्या:। भारतय् अथे मखु, कानून हे कमजोर जुयाच्चंगुलिं भ्रष्टाचारतय्गु हौसला अप्वया वंगु खनेदु। अथे धयागु करोडौं करोडया भ्रष्टाचार या:सां नं भ्रष्टाचारीत बचय् जुइगु निती दैतक मुद्धा भ्रष्टाचारीत धुकक जुयाच्चनी। भारतय् चरम रुपं भ्रष्टाचार जुयाच्चंगु आ: जक मखु, अंग्रेजी साम्राज्य देस त्व:ता: वंसांनसें जुयाच्चंगु ख:। नेहरूया इलय् मिडियाया भूमिका सशक्त मजूगुलिं भ्रष्टाचारया उलि चर्चा मजू। इन्दिरा गान्धी प्रधानमन्त्री जुयाच्चंगु इलय् नं चरमरुपं भ्रष्टाचार जुयाच्चंगुलिं भारतया समाजसेवी जयप्रकाश नारायणं सन् १९७४ सालय् कांग्रेस सरकारया विरुद्ध आन्दोलन न्ह्याकूगु ख:। जयप्रकाश नारायणया नं मुख्य माग ख:, जनलोकपाल विधेयक हया: भ्रष्टाचार विरुद्ध कडा पला: ल्हवनेमाल। पश्चिमीया अप्व: देसय् जनलोकपाल विधेयक पास याना: भ्रष्टाचार निर्मूल याय्त ता:ला:गु ख:। भारतय् नं अथे याय्मा: धका: जयप्रकाश नारायणं सरकारयात दबाब ब्यूगु ख:। आन्दोलन थुलि प्रभावकारी जुल कि कांग्रेस सरकारय् भुखाय् ब्वय्काबिल। सरकार

पुलापिं भ्रष्ट नोकरशाहीतसें अवश्य नं लोकपाल विधेयकयात असफल याइगु स्वभाविक ख:। थ्व हे हुनिं गुलि नं भ्रष्टाचारया मुद्दायात कडा रुपं मवसे भन् षडयन्त्र याना: जनतायात भंग: जक लानाच्चंगुलिं भन् भन् तत:धंगु भ्रष्टाचार काण्ड जुया वनाच्चंगु ख:। भारतय् नं तत:धंगु काण्ड काण्ड जुया वनाच्चन। दसूया निती खेलभवन निर्माण काण्ड, टेलिकम भ्रष्टाचार काण्ड, हतियार काण्ड अभ्र धमाधम काण्ड अप्वया वनाच्चंगु इलय् हाकनं लिपा अन्ना हजारे दिल्लीया जन्तरमन्तर पार्कय् अनसन च्वना: न्हापाया लोकपाल विधेयकयात सक्रिय याय्गु निती अनसन च्वनातुं च्वन। अन हजारेयात तिव: बीगु निती भारतया फुक्क थासं दिल्ली वय्गु ज्या जुल। अन्ना हजारेया समर्थकय् जनसागर कुहां वयाच्चंगु खना: सरकार जक मखु, विपक्षी पार्टी तकं थारान्हुल। व इलय् विपक्ष पार्टीया नेतात नं अन्ना हजारेयात समर्थनया निती जन्तरमन्तर पार्कय् वंगु नं ख:। तर जनतां सुं नं पार्टीया नेतातय्गु विश्वास मदु धका: अनसन च्वनाच्चंगु पार्कय् दुत मका:। अन्तय् सरकार क्वछुना:

एशियाया अप्व: देसय् संयुक्त परिवारया बनावट जुयाच्चंगुलिं नेतातसें थ: परिवार व नातागोताया निती गुलिफु उलि भ्रष्टाचार याना: धेबा मुंकेगु स्वयाच्चनी। अविकसित देसया जनतां अप्व: गरीबीया कारणं नं पार्टीया नीति हे चुनावया इलय् धेबा खर्च याना: भोट काय्गु नीति हे जुयाच्चनी। थ्व हे कारणं याना: नेतातसें थ:त जक मखु, पार्टीयात नं अथाहा धेबा मा:गुलिं देस घातक ज्या याना:सां धेबा मुंकेगु यानाच्चनी।

बाध्य जुया: जनलोकपाल विधेयक हल। हुंन्हि लिपा इन्दिरा गान्धी हाकनं संकटकाल घोषणा याना: आन्दोलनकारीतय्त क्वत्यला वन। संकटलिपा जग्गु आम चुनावय् कांग्रेस पार्टी पराजित जुल। चार्लिस पचास न्ह्य:या भारतया राजनीतिक घटनाक्रमं ह्नु क्यन धा:सा न्ह्याथे जा:गु आन्दोलन नं यदि जनता सक्रिय जुल धा:सा ता:लाय्फु धइगु छगू शिक्षा ख:। छगू चरण जक आन्दोलन ता:लाना मगा:। अथे धयागु आदोलन पूर्वक ता:मलातलय् जनता सक्रिय जुयाच्चनेफुसा जक आन्दोलनया लक्ष पूर्वनी। अथे मजुल धा:सा हाकनं सत्ताधारीतसें धोका बीगु याइ। जयप्रकाश नारायणया नेतृत्व पास जग्गु लोकपाल विधेयक लिपा वना: सक्रिय जुइमफुत। लिपा हाकनं भ्रष्टाचार भन् भन् तच्चया वनाच्चंगुलिं जनता निराश जुल। लोकपाल विधेयक ता:मला:गु कारण नं सरकारं नियुक्ति यानात:पिं दुज:त स्वच्छ छबियापिं मखु अर्थात न्हापा नोकरशात जग्गुलिं याना: ख:।

न्हापा स्वयां नं कडा कानून हया: नागरिक समाजया ब्यक्तित्वतय्त नं ५०गू प्रतिशत दुज:पिं नियुक्ति या:गु नं ख:। तर अभ्र नं लोकपाल विधेयकयात पूर्वक ता:लाकेफूगु मदुनि। हाकनं सरकारपाखें हे षडयन्त्र याना: विधेयकयात फासाफुस यानाच्चंगु दु। अभ्र नं भारतय् तत:धंगु काण्ड जुइगु म्हो मजू। अ:ख: सरकार जनतायात भंग: लाय्गु त्व:तुगु मदुनि।

पूर्वक प्रजातन्त्र दुगु देस भारतय् ला भ्रष्टाचार म्हो मजू धा:सा भीगु देस नामधारी प्रजातन्त्रया नामं जाति व धर्मया नामं राजनीतिया खेल म्हिताच्चपिं नेतातसें भ्रष्टाचारीतय्त हतोत्साही याय्गु स्वइ धका: कल्पना नं याय्मा:। बरु इमिसं भ्रष्टाचार अप्वय्केगु निती कानून दय्कात:गु दु। अर्थात करोडौं करोड भ्रष्टाचार या:सां नं निगू प्यंगू लख जरिवाना याइगु अदालत दु। थ्वया अर्थ ह्नु धा:सा भ्रष्टाचारीतय्त ह:पा: बीगु ल्याखं हे कानून दय्केगु ज्या यानाच्चपिं नेतात ख:।



जितेन्द्र बिलास बज्राचार्य

कार्तिक शुक्ल पक्ष कछलाथ्व पुन्हि सकिमिला पुन्हि सकि अर्थात फकंया हाय् दइगु खः, मिला अर्थात चन्द्रमा मिलय् जुया: 'सकिमिला पुन्हि' धाःगु जुल। हलिमलि पुन्हि ही, सकि पुन्हि नं धा:। हलिमलि धागु कःनि, छ्व खःसा बिबःता सियातःगुयात धाइ। बौद्ध, बौद्धिक हिन्दु, वैष्णव, शिवमार्गी धर्मात्मबी नेवाःतसें जक मखु, सम्पूर्ण गैर नेवाःतसें नं हना वयाच्चगु महत्वं जाःगु पुन्हि खः।

बौद्ध धर्मात्मबीतय् तसकं महत्वं जाःगु स्वयम्भू चैत्य नं थ्व हे दिनसं स्थापना याःगु नं धाइ। भगवान बुद्धया शिष्य क्वाःपाःछाया थाय् पिने जवखं च्वंम

सकिमिला पुन्हि

मोहनि कतिं पुन्हिनिसं यंसिं थनाः आलःमत (आकाश दीप) न्हिन्हिं च्याकाः हलिमलि इनीगु थ्व हे पुन्हि धुंकाः यंसिं क्वःथली। थीथीकथं बौद्ध, हिन्दु दक्कस्यां थःथःगु संस्कारकथं सकिमिला पुन्हि हनी। थ्व चखः जक जूगुलिं नख्खा सःतेगु चलन मदु।

छम्ह सापिपुत्र नं थ्व हे दिनसं निर्वाण जूगु खः।

भिक्षुपिनि वर्खावास स्वलातकं च्वनाः कतिं पुन्हि कुन्हु सिधय्का बिज्याःपिन्त कतिं पुन्हिनिसं सकिमिला पुन्हिया दुने कथिन चीवर दान याय्गु नं चलन दु। चतुर्मास प्यलातक बाहाल्य बौद्ध अवदान थीथी वाखं कनेगु नं थ्व हे दिनसं क्वचाय्की।

बौद्धिक हिन्दु धर्मात्मबीपिन्सं नं थ्व दिनसं नारायणछायागु ब्रत च्वनाः ही, सकी, कन्दमुल नयगु नं चलन दु। चतुर्मास प्यलातक त्वाःत्वालय् रामायण, महाभारत वाखं कनाः नं थ्व हे दिनसं क्वचाय्की।

भगवान छः, चीभाः, विहार, त्वालय् व विभिन्न छःया थाय् कःनि, मुस्या, छ्व, कयगु, बकुला, वरां थीथी बुबः सियाः सकि, चाकुहि मनाः छैछै नं तय्हइ। थ्व दक्कयात कलात्मक रुपं कलश, थीथी ताजिया मन्दः दय् काः स्तोत्र ब्वनाः दाफा थानाः भजन याइ।

सकिमिला पुन्हिनिसं चिकु सुरु जुइ। हलिमलिइ यक्व कार्बोहाइड्रेट, प्रोटीन, अथे हे ही, सकिइ आइरन, मिनरल दइगु जूगुलिं चिकुबलय् लुमुक च्वंकीगु जुल।

खोना

सकिमिला पुन्हिया छन्हु न्हयः अर्थात बैकुण्ठ चतुर्दशी कुन्हु हे चीभाः न्हयःने हलिमलि ब्वयाः दाफा थानाः भजन याइ। थ्वकुन्हु हे आलःमत च्याकेत थनातःगु यंसिं नं क्वथली। थ्व दियात 'खोना पुन्हि' धाय्गु नं याः। पुन्हिकुन्हु सुथानिसं सिकाली छःया गाँछि छःप्याखं हुइकी। मेमेगु इलय् प्याखं ल्हुइबलय् थें प्याखं ल्हुइपिं क्वमचातलय् अपसं च्वनेम्वाः। दथुइ दिपा कायबलय् पालं याय्गु चलन दु। इच्छा दुपिं भक्तजनीपिन्सं फूकथं छोय्ला, थ्वै, समेबजि तयाः पालं याकेज्यू। थुकी छु हे रोकतोक मदु, तर खाया ला व लावा चल्य् मज्यु। पुन्हिया स्वन्हु न्हयः हे दाफा खलःतसें छःपिन्त पाहाँ सःतेगु चलन दु। दाफा खलः स्वथ्वः प्यथ्वः दुगुलिं छःपिं ब्वथलाः अलग अलग दाफा खलकय् वनेगु चलन दु। थन पुन्हि छन्हु न्हयः सकिमिला पुन्हि हनेगु चलन दु।

नमरा

नमोबुद्ध सकिमिला पुन्हि कुन्हु नं तःधंगु मेला लगय् जुइ। स्वनिगःया पूर्व कुनय् महासत्व जुजुं थःगु ला ध्यनाः नय् मखनाच्चम्ह धुं व वया मस्तयत् नकाः धुंयात बचय् याःगु जुल। दानपारमिताकथं थःगु शरीर हे दान याःगु बौद्ध धर्मय् तःधंगु महत्व दु। थ्व थासय् चान्हय्निसें मेला लगय् जुइ। यलय् च्वपिं कार्तिक प्याखं स्वयाः अनंतु वनेगु नं चलन दु। थन नं हलिमलि ब्वयाः दाफा थानाः भजन याइ।

हल्चोक आकाश भैरव

स्वनिगःया पश्चिम कुनय् च्वंगु हल्चोक आकाश भैरव नं सकिमिला पुन्हि कुन्हु खिं थानाः भजन हालाः हल्चो आकाश भैरवयात चाचाः हुलाः हलिमलि ह्वलाः हनी। थ्व छू बिस्क हे न्हयइपुसें च्वगु परम्परा खः।

चवबाहाः छः

चवबाहा छः आनन्दादी लोकेश्वरया थासय् नं कार्तिक पुन्हिनिसे नसंचा इलय् न्हिन्हिं देय्के वनेगु थ्व हे दिनसं धुंकी। हलिमलि ब्वयाः भजन याइ। कन्हय् कुन्हु पार भव्य न्याय्की।

भुइजःसि नारायणछाया थाय् नं स्वान्ति धुंकाः अप्वः थाय्थें देय्के वनाः ख्यलय् च्वनाः भुतुमालि ब्वय्काः भव्य याय्गु नं थ्व हे दिन धुंकी। असनय् असमर अजिमाया थाय् नं हलिमलि ब्वयाः दाफा थानाः भजन याइ।

थ्व दिनसं थीथी थासय् छःखः जात्रा नं याय्गु चलन दु। क्वयुना गणेशः, थक्वाःया महालक्ष्मी जात्रा नं थ्व हे दिनसं जुइ।

मोहनि कतिं पुन्हिनिसं यंसिं थनाः आलःमत (आकाश दीप) न्हिन्हिं च्याकाः हलिमलि इनीगु थ्व हे पुन्हि धुंकाः यंसिं क्वःथली। थीथीकथं बौद्ध, हिन्दु दक्कस्यां थःथःगु संस्कारकथं सकिमिला पुन्हि हनी। थ्व चखः जक जूगुलिं नख्खा सःतेगु चलन मदु।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्वाटरिङ्ग पनि गरिन्छ।

आयो नून खाउँ स्वस्थ रहौ



गाउँसम्म आयो, "आयो नून" यसले लगान्छो घर घर नून

आयोडिनको कमीबाट हुने विकृतिहरूः

१. गर्भ दुर्लभ, मुत निरसु जन्मिने, अम भन्न भएको निरसु जन्मिने, जन्मेको निरसु नोढे मर्न सक्ने।
२. मस्तिष्क बलहा, लाटा, लडेजो, कामचुक्के, डेढो आदि हुन सक्ने।
३. पचाईमा कमीबाट गर्भ पटक पटक हुनुको साथै खेलकुदमा सहनै पछाडि पर्नसक्ने।
४. गलतीबाट आउने, सुस्मयनरहित हुने।
५. आयोडिनको कमीले IQ Level कम हुने।
६. आयोडिनको कमी भएका मानिसहरूमा आलस्यन आउने, काम गर्ने क्षमतामा कमी आउने।
७. आयोडिनको कमीबाट गर्भपतन हुने हुदाउन सकिनेन। त्यस्ता विकृति आउन नदिन एकमात्र उपाय आइने देखि आयोडिनयुक्त बालबालिकाको चिन्तन अभिन पाकेटको नून मात्र प्रयोग गरी।

सोल्ड ट्रेडिङ कर्पोरेशन लिमिटेड

केन्द्रीय कार्यालयः पो.ब.नं. ४८३, कालिमाटी, काठमाडौं, नेपाल, फोन नं. ४२७०३१५
४२७१०१४, ४२७१२०८, फ्याक्स नं. ९७७-१-४२७१७०४, ४२७१३९५

(क) व्यापारी त्यासा
(ख) हायरपचेज त्यासा
(ग) आवासीय त्यासा



(घ) शेयर त्यासा
(ङ) मुद्दती रसिद धितो त्यासा
(च) क्रमिक निक्षेप त्यासा

मिलन बहुउद्देश्यीय सहकारी संस्था लि.

ह्वनाछैं, पाको, न्हूसतक, यैं, नेपाः

फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

राम प्रजापति प्रोप्राइटर

हारती मिठाई भण्डार

(शुद्ध शाकाहारी)

कालिमाटी चोक, टंकेश्वर मार्ग, काठमाडौं।

फोन नं. : ४२७२९९९, मो. ९८०३९८०६९९

यहाँः-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ।

नमुना बुद्ध बिहारय् महान पवित्र कथिन चीवर दान ज्याइव:



यै महानगरपालिका १९ वडाया च्वंगु चिभा:ख्यलय् कार्तिक १४ गते विहिवा: नमूना बुद्ध विहारया भिक्षु सारद स्थविर स्वलायक वर्षावास च्वना: बिज्या:गु लसताय न्हापांखुसिइ कथिन पवित्र चीवर दान ज्याइव: क्वचाल। भन्तेपिनिगु जीवनय् थुकथं वर्षावास च्वना बिज्याय्मा:गु परम्परा कथं कथिन चीवर दान भिक्षु महासंघयात दान याइ। पवित्र चीवर व भगवान बुद्धया मुर्तिसहित १९ वडा लगाय जुगु च्याली यै ८ नं क्षेत्रया प्रतिनिधिसभाया सांसद जीवनराम श्रेष्ठ, ३ नं क्षेत्रया प्रदेशसभाया सांसद राजेश शाक्य, यै महानगरपालिकाया प्रमुख विद्यासुन्दर शाक्य, उप-प्रमुख हरिप्रभा खड्गी श्रेष्ठ, यै महानगरपालिका वडाअध्यक्षपि १९या वडाध्यक्ष शशीलाल श्रेष्ठ, १८ या न्हुछेकाजी महर्जन, नेपाली कांग्रेसया युवा नेता राजुराज जोशी, १९ वडाया वडासदस्यपि चन्द्रमान डंगोल, मधुसुदन प्रधान, रेणुकमल शाही, रंजिता परियारलिसे सांस्कृतिक बाजागाजापाखे कंग अजिमा सांस्कृतिक पुचः, चस्वोदो दाफा खलः, मचा सांस्कृतिक पुचः, नारायण बाजा खलः-इनाय् टोल, नारायण बाजा-नेपाल राष्ट्रिय खड्गी समाज १९ वडा शाखा लगायत १५०० म्ह उपासक-उपासिकापिनिगु सहभागि दुगु खः। ज्याइवल्य् ज्ञानमाला भजन खलः स्वयम्भू, नमूना बुद्ध विहारया ज्ञानमाला भजन व परिसरिहो ज्ञानमाला भजनपाखे भजन हालेगु ज्या नं जुगु खः। चाबहिलया दातापि तारादेवी शाक्य, अष्टदेवी शाक्य, रत्नदेवी शाक्य, मायादेवी शाक्य, मणिरत्न बज्राचार्य, सुर्यरत्न बज्राचार्य, मंगलरत्न बज्राचार्यलिसे विशेष कथं यैमनपा १९ वडा व समाजसेवीपि गोपालकृष्ण महर्जन व रमेशमान मुनिकार नापं स्थानीय टोलवासिपिन्सं ग्वाहालि यानादीगु खः। थुगु नमूना बुद्ध विहार चिभा: बौद्ध समाजया सक्रियताय् निर्माण जुगु खं अध्यक्ष भानुभक्त शाही कनादील।

ताम्रकार समाजया ग्वसालय् न्हूदँ नेपाल सम्बत् ११४०या लसताय् भिन्तुना कालबबिल ज्याइवः



ताम्रकार समाजया ग्वसालय् न्हूदँ नेपाल सम्बत् ११४०या लसताय् भिन्तुना कालबबिल नापं तुच्चा ज्याइवः याःगु दु । उगु ज्याइवल्य् प्रतिनिधिसभाया दुजः पम्फा भुसालं थनिं ११३९दँ न्ह्यः शंखधर साख्वाः नं नेपाःमिपिनिगु त्यासा पुला बियाः सामाजिक न्याय क्षेत्रय् तःधंगु ज्या याःगु धयादीगु दु ।

ज्याइवल्य् यल महानगरपालिकाया प्रमुख चिरीबाबु महर्जनं यल नगरया सम्पदा, संस्कृतिया संरक्षण व सम्बर्द्धनया ज्याय् महानगरपालिका न्ह्यज्यानाच्वंगु धयादिसे वइगु दिनस महानगरं नेपाल सम्बत्या छ्यलाबुला नं नियमितकथं याना वनेगु धयादिल ।

ताम्रकार समाज भवन जाह्वलाख्यलय् जुगु उगु ज्याइवल्य् समाजया नायः रविन्द्र ताम्रकारं राज्यं नेपाल सम्बत्यात राष्ट्रिय सम्बत्, शंखधर साख्वाःयात राष्ट्रिय विभूत घोषणा याय्धुकूगु अवस्थाय् उकिया व्यापक

प्रचारप्रसार व छ्यलाबुलाया निती सरोकारवाला न्ह्याःवनेमाःगु धयादिल । वय्कलं नेवाःतयगु आदिभूमिइ स्वयम् नेवाःत हे अल्पमतय् लाय्धुकूगुलिं फुक्क नेवाःत छधीछपै जुयाः न्ह्याःवनेगुया विकल्प मदुगु धयादिल ।

उगु ज्याइवल्य् प्रदेशसभा दुजः शोभा शाक्य, न्हूदँ राष्ट्रिय समारोह समितिका नायः रमेश महर्जन, नेपाल भाषा मंकाः खलः, यलया नायः ऋषिप्रसाद श्रेष्ठ, नेपाल राष्ट्रिय खड्गी समाज, यलया नायः अरोज खड्गी, समाजया मूख्याज्जे शम्भु गोविन्द ताम्रकार, दांभरि दिपेश ताम्रकारपिंसं नुगःखँ तयादीगु खः ।

ज्याइवल्य् प्रतिनिधिसभाया दुजः कृष्णलाल महर्जन, प्रदेशसभाया दुजः राजकाजी महर्जन, ज्ञानेन्द्र शाक्य, महानगरया उप-प्रमुख गीता सत्याल, प्रहरी उपरीक्षक दुर्गा सिंह, उद्योग वाणिज्य संघया नायः कृष्णलाल महर्जनलिसें थोथी जातीय समाज, संघसंस्थाया नायः, पदाधिकारीपिनिगु उपस्थिति दुगु खः ।

क्रिकेटया न्हूम्ह कप्तान ज्ञानेन्द्र मल्ल



प्रजीत शाक्य

क्रिकेटय् कप्तान पदयात तःधंगु गौरव व सम्मानकथं याय्गु याः। कप्तान पदलिसें उम्ह कासामियाके थःगु टिमयात ताःलाकेगु व कासाख्यलय् रणनीति दय्केगुलिसें मेमेगु थीथी जिम्मेवारीया दायित्व नं दयाच्चनी। उकिं जुइ, मेमेगु कासाया तुलनाय् क्रिकेट टिमया कप्तानया महत्व हे अलग्ग जुइ।

थुनिया अःखः क्रिकेटय् उपकप्तानया पद धाःसा न्ह्याबलें आरामदायी जुइ। उपकप्तानयात नत विदेशी भ्रमणय् हे औपचारिकता पूर्वकेगु जिम्मेवारी दइ, नत असफलताया निरति नं वय्कःयात जिम्मेवार जुयाच्चनी। अथेखःसां वय्कःयात टिमया भावी कप्तानकथं स्वयाच्चनी। कप्तानया उत्तराधिकारीकथं कयाच्चनी। उकिं मिडियाय् नं उपकप्तानयात अप्वः हे महत्व दयाच्चनी। ज्ञानेन्द्र मल्लय् नं थ्व फुक्क खँ पाय्छि सावित जूगु दु।

पासर खड्कां कप्तान पदपाखें राजीनामा बीधुंकाः हे ज्ञानेन्द्रयात भावी कप्तानकथं स्वयाच्चंगु खः। कप्तान पारसं नं राजीनामा बियादिसें ज्ञानेन्द्र हे नेपाःया क्रिकेट टिम कय् च्याय् फइ धकाः ज्ञानेन्द्रया वकालत यानादीगु खः। धाःथें नेपाल क्रिकेट संघ (क्यान) वंगु बुधवाः कप्तानया जिम्मेवारी ब्यूगु खः। बुधवाःया क्वःछिनां क्यान मेगु व्यवस्था मजुतलय् ज्ञानेन्द्रयात कप्तानकथं नियुक्त याःगु खः। नेपाःया क्रिकेट टिमया कप्तानकथं ज्ञानेन्द्रया न्हापांगु जिम्मेवारी मेरिलिबोन क्रिकेट क्लब (एमसीसी)लिसेया श्रृंखला जुइ। खय्त ला ज्ञानेन्द्रलिसे कप्तानीया पूर्वक हे अनुभव दु धाःसां पाइमखु। पारसया अनुपस्थितिइ ज्ञानेन्द्र नेपाःया क्रिकेट टिमया नेतृत्व याय्छुंकूगु दु। मल्लं सन् २०१७य् घरेलु कासाख्यलय् जूगु आईसीसी विश्व च्याम्पियन लिगय् केन्या विरुद्धया निगुलिं कासाय् नेपाःया क्रिकेट टिमया नेतृत्व यानादीगु खः। उगु हे दैय् एसीसी इमर्जिङ्ग टिम कपय् ज्ञानेन्द्र नेपाःया कप्तानीया भूमिका मिहतादीगु खः। थुगुसी आईसीसी टि-२० एसिया कप ल्यज्या कासाय् पारस धाःपाः जुइधुंकाः ज्ञानेन्द्र मलेसिया विरुद्ध टिमया नेतृत्व याय्त कासाख्यलय् कुहावःगु खः। उगु कासाय् ज्ञानेन्द्र कीर्तिमानी अर्धशतक तक थ्वानादीगु खः। घरेलु फ्रेञ्चाई लिगय् ज्ञानेन्द्र न्ह्याबलें टिमया कप्तानकथं मिहतादी। वय्कःया कप्तानीइ थगुने ललितपुर प्याट्रियट्स एभरेष्ट प्रिमियर लिग च्याम्पियन

जूगु खः। अथे हे, छम्ह सिनियर कासामि जूगुलिं ज्ञानेन्द्रयात फुक्क कासामितसें हनाबना नं याः। उकिं नं क्यानया क्वःछिनायात पाय् छिकथं काय्फु।

नेपाःया उत्कृष्ट ब्याट्सम्यान

ज्ञानेन्द्रयात स्टाइलिश ब्याट्सम्यानकथं काय्गु याः। थौकन्हय् मिहताच्चिपिं क्रिकेटरपिं मध्ये ज्ञानेन्द्रयात प्राविधिककथं दकलय् सक्षम ब्याट्सम्यानकथं कयाच्चंगु दु। नेपाःया टिमया ज्ञानेन्द्र दकलय् महत्वपूर्ण ब्याट्सम्यान धाःसां पाइमखु। धाइ, क्रिकेटय् स्वेङ्गू क्रमय् सर्वश्रेष्ठ ब्याट्सम्यानयात क्वकाइ। सुरुइ नेपाःया टिमय् ज्ञानेन्द्र स्वेङ्गू क्रमय् हे ब्याटिङ्ग याय्त क्रिजय् वइगु खः। लिपा नेपाःया क्रिकेट टिमय् प्रारम्भिक ब्याट्सम्यान लगातार ताःमलाय्र्व आः ज्ञानेन्द्रप्रारम्भिक ब्याट्सम्यानया भूमिकाय् लानाच्चंगु दु।

ज्ञानेन्द्रयाके तेज व स्पीन निगुलिं बलिड आक्रमणयात अःपुक हे मिहतेगु खुबी दु। थ्व

ज्ञानेन्द्रयाके तेज व स्पीन निगुलिं बलिड आक्रमणयात अःपुक हे मिहतेगु खुबी दु। थ्व बाहेक क्रिजय् च्वनाः अथवा विस्फोटक पाली मिहतेमाःसा वय् कःया हे नां न्ह्यःने वइ। चौका, छक्क थ्वाय्त माहित अले न्ह्याथें जाःगु ब्याटिड सट मिहतेत नं सक्षम जू, ज्ञानेन्द्र। थजाःगु प्रतिभा विश्व क्रिकेटय् म्हो हे जक ब्याट्सम्यानयाके खंकेफइ।

बाहेक क्रिजय् च्वनाः अथवा विस्फोटक पाली मिहतेमाःसा वय्कःया हे नां न्ह्यःने वइ। चौका, छक्क थ्वाय्त माहित अले न्ह्याथें जाःगु ब्याटिड सट मिहतेत नं सक्षम जू, ज्ञानेन्द्र। थजाःगु प्रतिभा विश्व क्रिकेटय् म्हो हे जक ब्याट्सम्यानयाके खंकेफइ।

परिस्थितिकथं थःत क्रिजय् च्वनेफूम्ह ज्ञानेन्द्रया नां एकदिवसीय क्रिकेटय् दकलय् याकनं अर्धशतक दय्कूम्ह नेपाःया ब्याट्सम्यानया धलखय् दकलय् न्ह्यःने दु। अथे हे, छगू ओभरय् खुगू चौका थ्वाःम्ह दुर्लभ कीर्तिमान नं वय्कलं दय्कादीगु दु। सन् २०१२य् जूगु एसीसी टूर्नीइ साउदी अरब विरुद्ध वय्कलं थुगु निगुलिं कीर्तिमान दय्कादीगु खः।

थौकन्हय् नेपाःया निरति आईसीसी विश्व क्रिकेट लिग डिभिजन श्री उपाधी त्याकेगु इवल्य् दकलय् अप्वः योगदान बियादीम्ह ज्ञानेन्द्र न्हापांखुसी अन्तर्राष्ट्रिय क्रिकेटय् थःगु न्हापांगु शतक दय्कादीगु खः।

अन्डरपर्फमरया ट्याग

ज्ञानेन्द्रयात इलय्बल्य् 'अन्डरपर्फमरया



नं ब्याटिड याय्फु। अले थाकूगु परिस्थितिइ वय्कलं पारसयात पाय्छि सल्लाह बियादी।
क्रिकेटय् गुकथं लाः वल ज्ञानेन्द्र ?

ज्ञानेन्द्रया जन्म यँया भिंघःत्वालय् मध्यमवर्गीय तर प्रतिष्ठित परिवारय् जूगु खः। ज्ञानेन्द्रया स्वम्ह तता व निम्ह दाजु अले छम्ह क्रिजा दु। वय्कःया छेजःपिन्त थकु जुजुकथं म्हस्यू। ज्ञानेन्द्रयाकथं वय्कःया छँजः भिंघः गुथि, पचलि भैरव गुथिया संरक्षक नं खः। वय् कःया छँजःपिं क्रिकेटलिसे स्वापू दुपिं सुं हे मद्दु, तर वय्कःया क्रिकेट जीवन धाःसा सललल न्ह्याःवन। ज्ञानेन्द्रयाके मर्चांनिसें क्रिकेटया भूत हे दुबिनाच्चंगु दु धाःसां पाइमखु। च्यादै, गुदै दुबलय् सिँया बाय्द दय्काः टेनिस बल, प्लाष्टिकया बलं भिंघःत्वाःया चुकय् हे क्रिकेट मिहतिमिहति क्रिकेटलिसे स्वानावन। अनमिहताच्चनीगु इलय् त्वाःया हे रसिल श्रेष्ठ वय्कःया प्रतिभा खनाः स्थानीय जेबी क्लबपाखें क्रिकेट मिहतादिल। व लिपा वय्कलं म्हो उमेरय् हे यंगाल क्रिकेट क्लबपाखें नं धेधेंबल्ला यानादिल। अनक्रिकेट मिहतेगु मनोबल दयवं यंगाल क्लबया विनोद राजभण्डारी ज्ञानेन्द्रयात यु-१५या क्लब ल्यज्याय् ब्वति काय्कादिल। खय्त ला वय्कः १५दै स्वयां म्हो उमेरय् हे यु-१७ क्याम्पयानिनि ल्यःगु खः। अथेखःसां वय्कलं यु-१५य् हे न्हापांखुसी क्रिकेट मिहतादिल। ज्ञानेन्द्र पाय्छि इलय् पाय् छि ह्वःताः चुलाकादिल। थौकन्हय् वय्कःया क्रिकेट यात्रा थ्यंमथं १५दै थ्यनेधुंकूगु दु।

ज्ञानेन्द्रलिसे यु-१५, यु-१७, यु-१९ व राष्ट्रिय सिनियर टिम फुक्क वर्गया आपालं अन्तर्राष्ट्रिय अनुभव कयादीधुंकल। वय्कलं

सन् २००६य् प्यंगू दिवसीय कासा आइसीसी इन्टरकन्टिनेन्टल कपय् नामिबिया विरुद्ध राष्ट्रिय टिमपाखें न्हापांखुसी मिहतादीगु खः। उगु इलय् वय्कः मुक्क १६दै जक दुगु खः। अन वय्कलं बालाक ब्याटिड यानादी मफुत, तर उगु हे दैय् ज्ञानेन्द्र एसीसी टूर्नीइ थःगु न्हापांगु एकदिवसीय कासाय् कुबेत विरुद्ध ७१गू रन दय्काः 'म्यान अफ म्याच' जुयादिल।

कासाय् थुकथंया सफलता प्राप्त याःसां नं छगू इलय् ज्ञानेन्द्रयाके क्रिकेटयात कयाः निराशा ब्वलंगु खः। उकिं क्रिकेट त्वःताः छँजःपिंलिसें अष्ट्रेलिया वनेगु प्रक्या न्ह्याकादीगु खः, वय्कलं। उमेर समूहया क्रिकेट मिहताच्चंगु इलय् भविष्ययात कयाः चिन्ता मदुसां नं तःधिक जुया वःगुलिं क्रिकेटय् हे जीवनयापन याय्गु अवस्था मदुगु ताय्कूगु खः। उगु इलय् दैय् छक्कः वा निक्कः राष्ट्रिय, अन्तर्राष्ट्रिय क्रिकेट मिहताः थःगु भविष्य सुरक्षित मताय्कल। अभ्र मध्यम वर्गीय परिवार जूगुलिं भविष्ययात कयाः छुं दबाव ला दुगु हे जुल। उकिं ज्ञानेन्द्र प्रशिक्षकलिसे सल्लाह यानाः पिने देसय् वनेगु मन दय्केधुंकूगु खः। तर आः वयाः वय्कः लय्तानादी, नेपालय् हे च्वंगुलिं। क्रिकेट देशया छगू दय्कूगुलिं अप्वः म्हो थःगु नं योगदान दुगुलिं वय्कः लय्तयादी।

थौकन्हय् क्रिकेट वय्कःयात नांया नापनापं दां नं कमय् याय्गु ह्वःताः नं चूलाकूगु दु। सानेपाय् वय्कःया 'काठमाण्डौ क्रिकेट ट्रेनिङ सेन्टर' दु। गनं बाबालाःपिं क्रिकेट कासामित उत्पादन जुइधुंकूगु दु।

नेवाः चिहाः संकिपा कासाया लिच्चः पिदन

नेपालभाषा टाईम्स चिहाः संकिपा सिरपाःया निति जुगु कासा कार्तिक २१ गतेनिसें २४ गते आइतवाःतक न्ह्याःगु खःसा उकी दुथ्याःगु १६गू नेपालभाषा सर्टमूभि (चीहाः संकिपा) मध्ये नेवाः यूट्युब च्यानलं निर्माण याःगु सर्टमुभि ‘ध्वः छध्वः रेखां क्यूगु’ न्हाप लाःगु दु ।

नेपालभाषा साहित्यया उपन्यास ख्यलय् दक्कलय् न्हापांम्ह मिसा उपन्यास च्वमि शशीकला मानन्धर च्वयादीगु बाखनय् निर्देशक योवन शाक्यया निर्देशनय् व स्वयं निर्देशक शाक्य हे कयामे रा पर्सनलिसे सम्पादक जुयादीगु ‘ध्वः छध्वः रेखां क्यूगु’ सर्टमूभियात आइतवाः येँया बालाजुइ च्वंगु अष्टनारायण हलय् न्हाप जूगु घोषणा याःगु खः । थुगु सिरपाःया घोषणा हिरोइन हिसिला महर्जनं यानादीगु खः । न्हाप लाःगु संकिपायात ७५द्वःतका सिरपाः बीगु ग्वसाःखलःया पवित्र कसाःजुं जानकारी बियादीगु दु ।

घोषणाकथं ल्यु सिरपाः त्याकेत ताःलाःगु सर्टमूभि किपूपाखें मगन

इन्टरटेन्टमेन्टया लुखां दय्कूगु लक्ष्मीकुमार महर्जनं च्वयादीगु व रजिन महर्जनं निर्देशन यानादीगु ‘म्यूजियम’यात ५०द्वःतका सिरपाः बीगु जूगु दु ।

थ्वहे इवलय् पेजथ्रीया लुखां दयेकूगु व दर्शनवीर शाक्यया निर्देशनय् लोकबाखंया लिधंसाया ‘इन्द्रायणी’ व रामकृष्ण खड्गीया निर्देशनय् ‘स्वार्थ’ सर्टमूभि मंकाःकथ) लियांल्यु लाःगु घोषणा जुल । लियांल्यु लाःगु निगू संकिपायात म्हति २५द्वः तका सिरपाः बीगु जूगु दुसा कासाय् दुथ्याःगु मेगु दक्क संकिपायात म्हति ५द्वःतका हःपाकथं बीगु ग्वसाखलकं जानकारी ब्यूगु दु ।

कासाया निर्णायककथं नेवाः न्ह्यलुवा मल्ल के सुन्दर, साहित्यकार एवं पत्रकार रमेशकाजी स्थापित, संकिपा सम्पादक माणिाक उराय, नांजाःम्ह सिनेमाटोग्राफर गौरीशंकर धुँजु, नांजाम्ह साउण्ड रेकर्डिस्ट राजकृष्ण श्रेष्ठ, संकिपाय् डिप्लोमा यानादीम्ह रजिला श्रेष्ठ व सिने पत्रकार विजयरत्न असंबरेपिं च्वनादीगु खः ।

शंखधर दिवस हन

नेपाल संवत् न्हूदैं राष्ट्रिय समारोह समिति-११४० शंखधर दिवस उपसमितिया ग्वसालय् येँया १५ वडाय् लखतीर्थय् छगु ज्याइवः यासें शंखधर दिवस हन ।

नेपाःया मौलिक सम्वत् नेपाल सम्वत् या प्रवर्तक शंखधर साख्वाःयात सरकारं कछलाथ्व दसमि कुन्हु राष्ट्रिय विभूति घोषणा याःगु दियात लुमंकाः शंखधर दिवस हना वयाच्वंगु दु । उगु ज्याइवलय् शंखधरया किपातय् स्वांमा देछासें ज्याइवः न्ह्याकूगु खः ।

ज्याइवलय् मूपाहाँ येँ महानगरपालिकाया प्रमुख विद्यासुन्दर शाक्य भयादीगु खःसा प्रतिनिधिसभाया सांसद जीवनराम श्रेष्ठ, १५



न्यूयोर्कय्

मंकाः म्हपुजा



वडाया जनप्रतिनिधिपिं, नेपालभाषाख्यःया हनेबहःपिं, लखुतीर्थ संरक्षण समितिया नायः सुवर्ण डंगोललिसें १५ वडाया थीथी क्लब, संघसंस्थाया दुजःपिनिगु उपस्थिति दुगु खः ।

नेवाः नखः न्यूयोर्कया ग्वसालय् न्हय् क्वःगुमंकाः म्हपुजा ज्याइवः नाप न्हूदैं नेपाल सम्वत् ११४०या नगुमा पितब्बज्या जुल । ज्याइवलय् नेवाः समुदायया दुजःपिलिसे थीथी संस्था व दुजःपि नापं विदेशी पाहाँपिन्सं ब्वति कयादीगु खः । संस्थाया मूख्याज्जे डा.नरेशमान शाक्य न्हूदैं ११४०या लसताय् म्हपुजाय् ब्वति कयादीपिन्त भिंतुना देछासें पाहाँपिनिगु म्हसीका बियादीगु खः ।

न्हूदैं राष्ट्रिय समारोह समिति-११४०या नायः रमेश महर्जनया सभाध्यक्षताय् जूगु उगु ज्याइवलय् शंखधर दिवस उपसमितिया काज उदय पसःखलःपाखें लसकुस यानादीगु खः ।

सामुदायिक ब्वनेकुथिइ अनलाइनपाखें ब्वनेगु व्यवस्था

यल महानगरपालिका सिटी नेटपाखें यल दुने दक्क सामुदायिक ब्वनेकुथिइ अनलाइनपाखे ब्वनेगु व्यवस्था याःगु धाःगु दु । सिटी नेटया ३८क्वःगु सम्मेलनयात कयाः सःतूगु पत्रकार सम्मेलनय् यल महानगरपालिकाया प्रमुख चिरीबाबु महर्जन जानकारी बियादीगु दु । वय्कलं ब्वनेकुथि प्रविधिमेत्री दय्केत अनलाइन मार्फत ब्वनेगु व्यवस्था यानागु नं धयादिल ।

सिटी नेटया ग्वाहालिं प्राकृतिक

प्रकोपपाखे जुइगु क्षति म्हो याय्गुलिसें तःधंगु विपत्तीया इलय् नं मेपिनिगु ल्हाः फय् म्वाःगु नं धयादिल । यलया २९गू वडाय् सिटी नेटया सम्मेलनं भ्रमण बर्षया न्ह्यःने संस्कृति संरक्षण याय्त व भ्रमण वर्ष २०२०य् पर्यटक दुकाय्त नं ग्वाहलि जुइगु भलसा कयादीगु दु ।

प्रमुख महर्जनं विदेशय् सम्पदा संरक्षणया नितिं तसकं प्राथमिकताय् तइगु तर नेपालय् धाःसा सम्पदा बचय् याय्त बालाक्क ध्यान मब्यूगु धयादिल । यल महानगरपालिकां

सिटी नेटनाप वंगु २९दैं न्ह्यःनिसे सहकार्य याना वयाच्वंगु खः ।

नेपालय् न्हापांखुसी जुइत्यंगु थुगु ३८क्वःगु सिटी नेट सम्मेलनय् ब्वति काय्त थीथी देय्पाखें नगरप्रमुखपिं वइगु जूगु दुसा साँस्कृतिक महत्वं जाःगु सम्पदाय् यलध्वाकानिसे यलया लाय्कृतक निधौ न्यासि वनाः चाःहिलीगु ज्याइवः नं तयातःगु दु । सिटी नेटय् नेपाःया १४गू नगरपालिका दुथ्याः ।

किपूया ज्याथःजिथिपिं पोखरा भ्रमणय्

किपू नगरपालिका वडा ल्याः ३या ९० म्ह ज्याथःजिथिपित स्वक्वःखुसिइ सितिकं भ्रमण यंकूगु दु ।

किपू नगरपालिका वडा ल्याः ३या ग्वसालय् दैय्दसं अथे धार्मिक व साँस्कृतिक भ्रमण यंकाच्वंगु खःसा स्वन्हुया लागि पर्यटकीय व धार्मिक स्थल पोखरा भ्रमणया नितिं यंकूगु खः ।

किपू नगरपालिकाया प्रमुख रमेश महर्जन, उप-प्रमुख सरस्वति खड्का रिजाल, वडा ल्याः ३या वडाध्यक्ष राजेन्द्र महर्जन, वडा ल्याः १या वडाध्यक्ष हर्ष महर्जन व वडा ल्याः ९या वडाध्यक्ष गंगाराम महर्जनपिन्सं खादां क्वखाय्काः सिन्हः तिकाः विदाइ



याःगु खः ।

उगु पुचःयात बिचाः याय्त स्वास्थ्यय् प्यम्हलिसें नीम्ह स्वयम्सेवकत भ्रमणय् दुथ्याःगु जानकारी ब्यूगु दु । लुमंकेबहःजू थ्व स्वयां न्ह्यः लुम्बिनी, मनकामना व जानकी मन्दिरय् चाःहिकेगु ज्या जुइधुकूगु खः ।

उद्योगपति...

स्टे अर्डर खारेज जुइधुंकाः वय्कःयात नेपाल वय्मते धकाः गुलिसिनं धाःगु जुयाच्वन । अथेसां वय्कः कानूनकथं छु याय्माः याय् धकाः नेपालय् लिहांवल व विमानस्थलं हे रुपज्योति व वय्कःलिसे दुम्ह म्थ्याय् सुरुचयात तर्क प्रहरीं ज्वनायंकल ।

रुपज्योतिया प्रतिक्रिया :

थुगु मुद्दाय् थःत छु आधारय् ज्वन धइगु रुपज्योतिया न्ह्यसः दु । वय्कःया धापूकथं उगु प्लट ल्याण्डमार्क डेभलपर्सयागु खः । थःगु कम्पनी ज्योति एण्ड कम्पनी, ज्योति स्पिनिङ मिल्स व स्याकार एण्ड कम्पनी उकिया शेयर होल्डर खः, व्यक्ति मखु । उकिया नापं विज्ञेन्द्रकृष्ण मल्लयाके धेबा काःगु धइगु सिई डेभलपर्स खः । धेबा कयागु धकाः सिई डेभलपर्स च्वयाः हे मल्लयात ब्यूगु दु । उलि जक मखु, धेबा थःके सुरक्षित दु धकाः तर्क सिई नं च्वयाब्यूगु पत्र तर्क दुगु जुयाच्वन । आः धेबा काःगु कम्पनी सिई कन्स्ट्रक्सन, गुकी रुपज्योतिया छुं हे कथंया गनं हे संलग्नता मदु । धेबा काःगु कम्पनीया मनूत धाःसा खुल्ला त्वःताः थःत ज्वनेगुया अर्थ छुखः धकाः रुपज्योतिं न्ह्यसः तयादी । उकिया नापं थःत गुकथं ठगी मुद्दाय् ज्वन धइगु खँ नं अजूचायापूगु धयादी वय् कलं । विज्ञेन्द्र मल्लयात धेबा लित काः वा धाय्क धाय्क नं काः मवःगु रुपज्योतिया धापू दु । रुपज्योतिं मल्लयात १गू करोड २७गू लखतका पुलेत स्वयागु व उकिया

चलनचलितकथंया ब्याज नं पुले दय्माःगु माग यासें २०७५ मंसिर १३य् जिल्ला अदालतय् निवेदन बिल । तर मल्लं धाःसा १६ गते ठगी याःगु धासें रुपज्योति विरुद्ध महानगरीय प्रहरी परिसरय् निवेदन तयाबिल । थ्व धुंकाः रुपज्योतियात ज्वनेगु नितिं पक्राउ पूर्जी जारी जुल ।

धेबा लित काः वा धकाः तारन्ताः धाय्धुंकाः तर्क नं मवय्धुंकाः धेबा लित बीत थःपिन्सं कानूनी लै हे ज्वनाः न्ह्यःने वनेधुंकूगु अवस्थाय् थःत गुगु आधारय् ठगी मुद्दाय् ज्वन धइगु न्ह्यसः नं न्ह्यःने तयादी रुपज्योतिं । थनथाय् रुपज्योतिं सावाँ धेबालिसें चलनचल्तीया ब्याज बीत स्वःबलय् मल्लं ७गू करोड धेबा फवंगु खँ स्रोत धाःगु दु ।

रुपज्योति कंसाकारया संलग्नता मदुगु कम्पनीं धेबा काय्गु, धेबा थःके दु धकाः उगु हे कम्पनीं च्वया हे बियातःगु अवस्थाय् नं धेबा काःगु कम्पनीया मनूत खुल्ला चाःहिलाच्वनीगु तर रुपज्योतियात ज्वनेमाःगु छाय् धइगु थुइके थाकूगु खँ ख हे खः । अझ धेबा कानूनी लैपु हे लितबीगु कुतः न्ह्याय्धुंकाः हे लितबीत स्वयाच्वंगु धेबाया हे खँय् ठगीया उजुरी बीवं ज्वनेमाःगु छाय् खः, व नं लिसः मदुगु न्ह्यसः हे जुयाब्यूगु दु । नापनापं वय्कःया म्थ्याय्यात छाय् ज्वनेमाःगु व नं अनुत्तरीत न्ह्यसः जुयाच्वंगु दु ।

डा.रुपज्योतियात...

धरपकड यानाः थुनाय् तया ?’ लिसें

हामी नेपालीहरू जुनसुकै क्षेत्रमा पनि

काम गरेर देखाउन सक्ने अवस्था

छ र सल पनि हुन सकिन्छ । नयाँ

प्रविधि तथा क्षेत्रहरूमा हामी जानै

पर्छ । मुख्यतः हामीमा प्रतिबद्ध

लगनशिलता, आँट र साहस

चाहिन्छ ।



नेपाल सरकार

सञ्चार तथा सूचना प्रविधि मन्त्रालय

सूचना तथा प्रसारण विभाग

समीर महर्जनयात सम्मान



अमेरिकाया व्यवसाय याइपिं दथुइ उत्कृष्ट १०म्ह दुने लाय्ता ताःलानादीम्ह न्युयोर्कया हिरा ब्यापारी समीर महर्जनयात हालिं नेवाः दबू नेपाः देय् मू कवल छू ज्याइवःया दथुइ हन ।

नेपाः देय् मू कवःया नायः शाक्य सुरेनं स्वांमा कवखाय्कादीगु खःसा मूख्याञ्जे रश्मिला प्रजापति, छु याञ्जे रत्न महर्जन, दाभिर सुरेन्द्रभक्त श्रेष्ठपिन्सं खादां न्युयोर्कगुलिं नेवाः परम्पराकथं छयैय् सगं बियाः भिंतुना देछानादीगु खः ।

हालिं नेवाः दबू अमेरिका कवःया न्वकू समीर महर्जन थःपिन्त 'टप टेन' दुने लाकेगु ज्याय् नेवाःतयगु ल्हाः दुगु

कनादिसें ब्यावसायिक सफलताया ल्याखं जक मखु, समाजया नितिं याःगु योगदानयात कदरय् थःत लुमकूगुलिं लसता प्वकादिल ।

अमेरिकाया बिजनेस म्यागेजिन इन्क डटकम (Inc.com) पाखें वंगु अक्टोबर २९य् अमेरिकाया फ्रिम्ह चिधंगु व्यापार यानाच्चपिं मध्ये सफल ब्यापारी व व्यवसायीतय धलखय् महर्जनयात "The Peak Performer"या उपमा ब्यूसें ब्यापारया सफलतायात कयाः च्वःगु खः । न्युयोर्कया क्विन्स डाईमण्ड ज्वेलरी पसः मार्फत हिरा, लुं वहःया व्यापार यानाच्चनादीम्ह महर्जन यलया स्थानीयवासी खः ।

काष्ठमण्डप पुनःनिर्माणया ज्या ५०गू प्रतिशत क्वचाल

काष्ठमण्डप पुननिर्माणया ज्याः ५० प्रतिशत क्वचाःगु दु । नेपाःया नितिं जापानया राजदूत मासामिचि साइगो काष्ठमण्डप अवलोकन भ्रमण याय्गु इवलय् पुनःनिर्माण समितया संयोजकलिसें ३ नम्बर प्रदेशसभाया दुजः राजेश शाक्य आःतक जुयाच्चंगु ज्याया जानकारी बियादीगु खः । संयोजक शाक्य क्वःछिनातःगु इलय् हे काष्ठमण्डप पुनःनिर्माण ज्या क्वचाइगु धयादिगु दु ।

२०७२ सालय् विनासकारी भुखाय् ब्याः दुना वंगु मूर्त सम्पदा पुनःनिर्माणया नितिं महानगरयाके हे पर्याप्त श्रोत दु धयादिसें महानगरया प्रमुख बिद्यासुन्दर शाक्य नेपाःनाप दौत्य सम्बन्ध दुगु देसयागु ग्वाहालिया सदुपयोग यानाः सम्पदा दय्केगु ज्या जुयाच्चंगु जानकारी बियादिल ।



नापं परम्परागत निर्माण शैलीं दय्केत जापान सरकारपाखे वःगु ग्वाहालि सम्पदा

पुनःनिर्माणय् छ्यलीगु नं प्रमुख शाक्य धयादिल ।

सं छगू फरक अभिव्यक्तिया गवसालय

चिबाखं वाचन

दि - २०७६ मंसिर ७ गते शनिवाः

बुनेगु ई - सुबसिवा ११:३० ताःइलय्

ल्हाइगु ई - न्हिनसिया १२:१५ ताःइलय्

थाय् - दबू नेवाः नसाय्, इस्लाम, तलार्थ, यल

संयोजक : पुनःनिर्माण समिति

M.R. Tailoring Center

Suit Specialist

निविदीप्रा ज्योति

सोभो सडिन तीव प्रविष्टि-२०७८ तः

उत्कृष्ट ५०ला बर्त जकल

कोर्सिङ्ग लभिस कम्प्लेक्स लिमिटेड

कलकत्ता, कोर्सिङ्ग, कलकत्ता

फोन : ०१-४३३९२००(३३३३), ४३३९२०१ (३३३३)

जस्टिस सुटेज कम्पनी, टोरा सुलभान, गोल्लुङ्ग नुन तथा अन्य फिलाईली लाटि गोल्लुङ्ग जवजवुतेय ।

KATHMANDU ORNAMENTS

New Baneshwar, Kathmandu, Nepal

Tel: 4476777, 4498999; Fax: 4476699

Email: info@kathmanduornaments.com

baneshwar@hotmail.com

Web: www.kathmanduornaments.com

सेमिनार वा कार्यक्रमया नितिं लञ्च बक्सया डोर टु डोर सर्भिस याय्गु नं व्यवस्था दु । नापं स्पेशल कुल्फी व बर्थ डे केक नं उपलब्ध दु ।

Delicious Sweets

बिग बेल

BIG BELL

Sweet & Snacks Pvt. Ltd.

Kamaladi, Ganeshthar

Kathmandu, Nepal

Tel: 01 4247075, 014244323